

PERENNIS MEMORIA
JOANNIS CANTII BOZYDAR
PODHORODEŃSKI.

EPISCOPI POLEMONIENSIS, SUFFRAGANEI ŹYTOMIRIENSIS,
PRAEPOSITI CATHEDRALIS, VICARII IN SPP. ET OFFICIALIS
GENERALIS LUCEORIENSIS, ORDINIS S. STANISLAI EQUITIS,
COELO REDDITI.

Hic Vir ad venerandæ senectutis annos provectus, amplissimorum meritorum serie, omne virtutis stadium longe superavit. Hic à teneris ad omne verum honestumque exultus, singulari mansuetudine præditus, suavi humanitate perpolitus, raro moderamine conspicuus, explorata constantia præcipuus, litterarum laudem cum vitæ sanctimonia jungens, Romæ sacris nomen addixit.

Hic uberrima sapientia instructus, admirabili morum integritate et gravitate præstans, Divini humanique Juris consultissimus, æmulus ex æquo Salesii et Boromæi, primis Dignitatibus præfectus, aut verius, summis laboribus, pro bono utriusque Status, continuò admotus, Civibus Cleroque semper charus ac uilis illuxit.

Hic in principem Ecclesiam Luceoriensem liberalis, in egenos et Lazarum prodigus Largitor, munificus Seminariorum Patronus, pro universa Christi doctrina, scribendo, alter Paulus, orando, Vincentii a Paulo Imitator, universis innotuit. De Hoc toties dictum iterabitur semper, quod utcunque doctos ac probos tulerint sæcula, parem, sæpe non tulere, quodve Virum tales crebro requiret ætas nostra, posteritas æquabit raro, nihil namque in Eo mediocre, sed totum summum, totum perfectum fuit.

Suus Cliens Mathæus Ladislaus DUBIECKI, Cancellarius Cathedr. Cracoviensis, Se Præside Senatui Cathedrali Luceoriensi, in Gremium Canonicorum olim cooptatus, ne officio grati animi erga pro-Patrem deesset, Viri tanti memoriam immortalitati monumentis mandavit.

Cur struo perpetuis halantem floribus urnam ?

En lege ! cui tanti causa doloris erit.

BOZYDAR è terris decedis , norma Virorum !

Eheu ! quot lacrymas elicis astra petens !

Hic honor esto Tuus , semper celebrabere thure

O ! Decus ! alma meæ Volhyniæ soboles !

Murice qui splendes , et prisco sanguine clares ,

Ac magè quam sydus , Lumen in Orbe ! nites .

Utque Tuis opibus viguerunt pauper et æger ,

Sic probitate Tua crevit et ipse Cliens .

Qui fueras sapiens , pius , integer atque disertus ,

Par tibi MASSILION extitit eloquis ,

Præsuleum pectus Divina fovebat utrique ,

Ultima Vos noscet , munere , Posteritas ,

Unctio cœlestis mentem penetrarat utramque ,

Ecquis non maret , Vos obiisse diem ?

Dotibus alterius mores componitis alter ;

Stabitis hinc Templis , nobiliore loco .

XVII.2.329

Wystw. odrębnego
wymiaru